

# PRAEFATIO AV TORIS AD IACO. CVRIONEM.



**M**EMINISTI, Iacobe Curio, dum Annis ab hinc uiginti quatuor, & amplius, in mea esses disciplina, mihiq; adeo Domesticus, quantum operæ posuerim, primum in demonstrandis cælestium motuum Theorijs, & ostendendis Tabularum usibus, Deinde etiam in tradenda Prædictionum doctrina, probabas tum meam non tantum sedulitatem, sed insuper etiam cum Apollinari Verentino, foelicis memoriæ, communi amico nostro, uehementer instabas, ut rem Astronomicam suis partibus fusam, latissimèq; patentem, in angustum contraherem. Polliceris ad id laboris tuam mihi in excubando operam, sperans inde scilicet magnam studijs tuis futuram accessionem. Et scio, illa te spe non deceptum fuisse, siquidem quando, uestro iam impulsu cõgerere tentassem, quæ iudicabã proponẽda esse tibi cæterisq; auditoribus meis, quibus deesse uidebam Astrologicorũ librorum suppellectilem. Et tu collectiones illas nostras digeres excuberesq;, Disputationis cuiusdam inter nos serendæ, & eius quidem assiduæ occasionem inuenisti. Non potuit autem concertatio tam frequens, tamq; utilis iudicium tibi de rebus, quas tractabamus, non acueret. Mihi idem hoc operis rudimentum profuit, quod simulatq; à te notis scite esset exceptum, circũferre mecum id ipsum in peregrinationibus meis poteram. Antea cum ad Principes crebris itineribus, Motoriam, uti dicitur, fabulam agerem, non erat unus aliquis liber, qui quæ necessaria sunt ad Prædictiones, omnia complecteretur. Parato hoc compendio, minimum sarcinæ equis, quibus uehebamur, imposuimus. In comitatu dum esses accito mihi ad Danorum Regem, ultra mare Balthicum, & ad alios postea Cymbrorum Regulos,

los,